

李氏明房五修家谱记

【古人云：『族之有谱，所以序昭穆，考世系，以成千秋不朽之言也』。公元二零二一年辛丑岁，李氏明房乃重修族谱，举全族之力，竟一年之功，耗万千之资，访两省三地，上续迁湘始祖重十公，外延湖北石首季莹公，聚湘鄂明房李氏，理藕塘、荆塘、石首三地人文数据，溯祖宗之源，顺族支之序，明家世之变，补前谱之缺。编修小组，夙兴夜寐，兢业勤恳，半载谱成。小子曰，修谱者，寻根留本，清缘备查，增知育人，承前启后，功在当代，利在千秋。受编者所托，为颂先辈开拓之功，励子孙奋斗之志，乃记以咏之】

洞庭湖畔，汨罗江滨，明房李氏，人杰地灵。西平后人，感祖之恩，虽入楚地，不忘传承。重修家谱，收族录丁，续宗派脉络，联血肉亲情。

溯祖之源，可至颛顼，皋陶执理，造狱创刑；理徵抗直，获罪于紂，闾家蒙难，唯子利贞，逃难伊侯，食李得宁，感恩避难，更姓为李，开枝散叶，族世始成。覬李氏先祖，有圣人问礼之老聃，经传道德，开道家之传承；有岷江治水之太守，堰筑都江，泽成都之沃境；有一统天下之高祖，开疆拓土，兴盛唐之治世；有明皇求诗之太白，名重谪仙，启青莲之遗风；有本草翻撰之药圣，广罗博采，集医学之大成。余祖晟公，秉直忠勇，削藩平镇，士庶欢欣，再造之功，配享庙堂，唐皇明诏，列凌烟阁，掌中书令，开堂立宗，名『西平堂』，绵延千年，薪火至今。巍巍兮李氏先辈，其身渺渺，其功芸芸，旷古烁今！

重十祖公，跋涉远征，辗转千里，落户湘阴；传至六世，谱系四分，明新和顺，各起族群。明子象珠，桐山祖公，再迁汨罗，

望气寻龙，行至宝地，星应翼轸，地接湖滨，盈腾蛟游凤之气，有虎踞龙盘之形，乃安身立命，于藕塘一村，繁衍生息，逾十六代，近八百人，或工或农，或商或军，或仕或民，奋先祖之余烈，开百世之昌兴。

辛丑年冬，欣逢盛世，鱼肥米灿，仓充稟盈，人丁兴旺，万众一心，重修家谱，利国利民。乃焚香一柱祭先祖，赋文三行励后人，思国之伟业，本在于民，民强则国兴，家和则族盛。明房李氏，鉴古抚今，小子无知，浅赋和鸣。

桐山公房下仰高公支下支字派 朋